



Møtebok for Formannskapet

Møtedato: 02.02.2021
Møtestad: Brannstasjonen på Mo
Møtetid: 09:00 - 12:00

Det vert møte i styringsgruppa for nytt Nærings- og tenestesenter
etter formannskapsmøtet:
- Status framdrift på prosjektet

Frammøtte medlemmer	Parti	Rolle	Merknad
Kjetil Eikefet	SA	Ordfører	
Ann-Jorunn Farestveit	SO	Varaordfører	
Kristin Nåmdal	SA	Medlem	
Håvard Engeseth	SO	Medlem	

Forfall meldt frå medlem:	Parti	Rolle	Merknad
Liv Anne Aanesen	SA	Medlem	Forfall

Frammøtte varamedlemmer:	Parti	Rolle	Merknad
Anne Britt Almelid	SA	Varamedlem	Vara for Liv Anne Aanensen

Frå administrasjonen:	Funksjon:	Rolle	Merknad
Jo Bjarte Tømmerbakke	Rådmann	Administrasjon	
Tone Selmer Skuggevik	Teknisk sjef	Administrasjon	

Sakliste

Saknr	Tittel
001/2021	Godkjenning av innkalling og sakliste
002/2021	Godkjenning av møteprotokoll
003/2021	Orienteringssaker
004/2021	Næringsfondsstønad - ekstramidlar i samband med koronautbrot
005/2021	Dagsturhytte - plassering

Sakspapir

Saksbehandler	Arkiv	ArkivsakID
Anneli Vatle Lilletvedt	FE-033	21/14

Saksnr	Utvalg	Type	Dato
001/2021	Formannskapet	PS	02.02.2021

Godkjenning av innkalling og saksliste

Forslag til vedtak:

Innkalling og sakliste vert godkjent

Saksopplysningar:

Formannskapet - 001/2021

FOR - behandling:

Samrøystes vedteke

FOR - vedtak:

Innkalling og sakliste vert godkjent

Sakspapir

Saksbehandler	Arkiv	ArkivsakID
Jo Bjarte Tømmerbakke	FE-033	21/14

Saksnr	Utvalg	Type	Dato
002/2021	Formannskapet	PS	02.02.2021

Godkjenning av møteprotokoll

Forslag til vedtak:

Møteprotokoll vert godkjend slik den ligg føre

Saksopplysningar:

Formannskapet - 002/2021

FOR - behandling:

Samrøystes vedteke

FOR - vedtak:

Møteprotokoll vert godkjend slik den ligg føre

Vedlegg:

Protokoll - Formannskapet - 26.11.2020

Sakspapir

Saksbehandler	Arkiv	ArkivsakID
Anneli Vathe Lilletvedt	FE-033	21/14

Saksnr	Utvalg	Type	Dato
003/2021	Formannskapet	PS	02.02.2021

Orienteringssaker

Underliggende saker:

Saksnummer	Tittel
003/2021.1	Utkast planprogram - Interkommunal plan for sjøareala i Nordhordland

Forslag til vedtak:

Sakene vert tekne til orientering

Saksopplysningar:

Formannskapet - 003/2021

FOR - behandling:

Ordførar, rådmann og Kristin Næmdal orienterte om utkastet til planprogram for Interkommunal plan for sjøareala i Nordhordland. Formannskapa i kommunane er bedne om å kome med evt innspel til utkastet innan 28. februar. Formannskapet i Modalen samla segom to innspel til planutkastet:

1. Ein bed om at det vert tatt særskild omsyn til bevaring av Mostraumen i planen.
2. Ein bed om at det vert tatt ærskild omsyn til bevaring av Mofjorden/Modalsvassdraget som nasjonal laksefjord

Orienteringar frå ordførar:

- Ungdomsskulen skal no gjennomføre Ungdata undersøking, og resultata av undersøkinga vil bli presentert for kommunestyret

- I saka om revisjon av konsesjonsvilkår har det ikkje skjedd noko nytt sidan forrige orientering. Ein ventar framleis på at BKK sitt tilsvaer på kommunane sine krav skal verte offentleggjort på NVE sine nettsider. Det er sannsynleg at det vert høringsrunde og synfaring etter sommaren.

- Saka om datasenterstrategi kjem opp i kommunestyret 18. februar.

- Saka om pasienttransport har framleis ikkje fått noko permanent løysing i Modalen og Vaksdal. Det kom ikkje inn anbod i dette området i sist anbodsrunde, og det vert jobba vidare med saka. Den midlertidige ordninga med at taxiselskapet kan krevje inn refusjon på vegne av pasienten vert vidareført inntil vidare.

- LVK saman med Modalen og 10 andre kommunar har gått til søksmål for å få omgjort to vedtak i Skatteklagenemda som gjeld berekning av formueverdi og eigedomsskattegrunnlag for kraftanlegga til BKK produksjon for åra 2014 - 2016. Dersom Skatteklagenemda sitt vedtak vert ståande kan Modalen potensielt måtte tilbakebetale omlag 2,6 mill kr til BKK.

Kristin Nåmdal stilte spørsmål ang status for val av nytt ungdomsråd. Ordførar orienterte om at det har vore vanskeleg å få ungdomar til å melde si interesse for ungdomsrådet. Kristin Nåmdal foreslo at ordførar kunne vere med på ungdomsskulen for å informere om ungdomsrådet, og at kanskje heile ungdomsskulen kan vere med i ungdomsrådet sidan det er så få elevar.

Samrøystes vedteke

FOR - vedtak:

Sakene vert tekne til orientering

Vedlegg:

Utkast planprogram - Interkommunal plan for sjøareala i Nordhordland
Interkommunal plan for sjøområda i Nordhordland - utkast planprogram
20210115 Oversending kommunane utkast planprogram

Sakspapir

Saksbehandler	Arkiv	ArkivsakID
Ove Sæbø	FE-223	21/15

Saksnr	Utvalg	Type	Dato
004/2021	Formannskapet	PS	02.02.2021

Næringsfondsstønad - ekstramidlar i samband med koronautbrot

Forslag til vedtak:

I samband med at Modalen kommune har motteke kr. 357 243,- frå Vestland fylkeskommune gjeldande krisepakke fase 3 frå Kommunal- og moderniseringsdepartementet, gjer næringsfondsstyret følgande tilskotsløyvingar:

1. Mobryggen drift AS kr. 337 243,-
2. Modalen pensjonat kr. 20 000,-

Vilkår:

Mottakarar av stønad må på førespurnad frå Modalen kommune dokumentere at midlane er nytta i tråd med dei vilkår som vert gjevne i tilsegnsbrev.

Saksopplysningar:

I samband med krisepakke fase 3 frå Kommunal og moderniseringsdepartementet mottok Modalen kommune kr. 357 243,- frå Vestland fylkeskommune som var øyremærkt kommunale næringsfond.

Målgruppa var bedrifter, etablerarar og næringsaktørar. Næringsaktør vart definert som ein aktør som legg til rette for og/eller gir støtte til næringsutvikling.

I vurderinga av søknadane skulle det leggjast særleg vekt på følgjande kriteriar:

1. Tiltak som fremja auka aktivitet, sysselsetting og verdiskaping basert på lokale utfordringar, behov og potensial.
2. Tiltak som motverka negative verknadar av covid-19-utbrotet.
3. Tiltak som kunne komme raskt i gang.

Kommunane kunne unntaksvis tildele midlar til eigne tiltak som oppfylte føremålet.

Samla tilskot skulle som hovudregel ikkje overstige 50 % av kapitalbehovet i prosjektet, og det skal aldri overstige 75 %. Søknadar måtte sendast gjennom www.regionalforvaltning.no

Modalen kommune valgte å lyse ut midlane i 2 rundar. Grunna låg søknadsrespons vart det lyst ut med forlenga frist 31.12.20. Det kom inn 5 søknadar:

- Mo Sokn søkte kr. 250 000,-
- Mobryggen drift AS søkte kr. 357 000,-
- Modalen pensjonat søkte kr. 20 000,-
- Nese Media søkte kr. 20 000,-
- Modalen kommune søkte kr. 300 000,-

Bakgrunn

Følgande oppsummerer dei ulike søknadane:
(Utfyllande søknadsinformasjon i vedlegg)

Mo sokn:

Forretningside / mål og innhold med prosjektet:

Mo gravplass er godt besøkt året rundt. Deler av gravplassområdet er i dårleg forfatning. Den delen som er nærmast brua har ein svært fin beliggenhet og stort potensiale i bruk og utsjånad. Mo sokneråd ynskjer å oppgradere området kring bårhuset på Mo gravplass. Soknerådet har hatt ein grundig prosess saman med arkitekt og funne fram til ei flott løysing med nye momenter på Mo gravplass. Målet er at gravplassen skal være praktisk, flott og tilrettelagt som møteplass.

Mobryggen drift:

Forretningside / mål og innhold med prosjektet:

Mobryggen Drift AS søker tilskudd for opprettholde vidare drift av Mobryggja, vi har gjennom 2020 vært hardt råket av covid-19, ca 50% av inntektene våre forsvant i 2020 vs 2019, dette har råket Mobryggja svært hard og vi har brukt alle midler som var i selskapet for å overleve. Evt tilskudd vil kunne sikre driften de første 5 mnd av 2021 og garantere for drift av Mobryggja gjennom hele 2021. Vi har hatt permitteringer gjennom div perioder av 2020, men ønsker og begrense dette i 2021 om mulig.

Modalen pensjonat:

Forretningside / mål og innhold med prosjektet:

Me har hatt svært få overnattingar dei siste månadane. Me setter dette i samanheng med Coronapandemien. No slit me med å betala faste kostnader.

Nese Media:

Forretningside / mål og innhold med prosjektet:

Har i fleire år hatt lyst til å gjennomføre dette prosjektet. Men det har vore vanskelig å fått til. Mest pga økonomi. I år var tida inne for å ta sjansen.

Julesongen det er snakk om er "Fager er jordi", som er spelt inn hos Lydetaten AS i Knarvik.

Gjennomføringa av musikkvideoen blir gjort i Dale. Release av songen er 29. november i alle streamingkanaler og plattformer.

Siden dei færreste kan gå i kyrkje i dag vil me sørge for at dette blir tidenes stemningssetter før jul.

Modalen kommune:

Forretningside / mål og innhold med prosjektet:

Ei stor utfordring i Noreg i dag er opplevinga av å vere innanfor eller utanfor arbeidslivet – utanforskap. Arbeidsplassen sikrar inntekt, felleskap og birar til meningsfulle dagar i livet. For å kunne gje rom for fleire i norsk arbeidsliv må me sjå på løysingar utover tiltaksplassar, og heller

vurdere kva moglegheiter som ligg i det å aktivere ressursar som i dag ikkje er i bruk, samt å byggje sosialt berekraftige arbeidsplassar og kommunar.

Vurdering

Rådmannen vurderer som følgjer:

Mo sokn:

Mo sokn vert ikkje vurdert å vere ei ordinær bedrift i forståinga at det ikkje vert drifta etter forretningsmessige prinsipp. Organisasjonen vert vurdert å vere ein tilnærma ideell/offentleg organisasjon. Hovudinntektene kjem som overføringar frå Modalen kommune. Det er heller ikkje grunnlag for å seie at søkjar er etablerar eller næringsaktør.

Tiltaket vil i liten grad imøtekomme kriterie nr. 1 utover å kunne kjøpe tenester hjå lokale leverandørar. Desse har i utgangspunktet ikkje gjeve uttrykk for at dei er råka av koronautfordringar. Modalen kommune har så og seie ikkje arbeidsledighet. Tiltaket vil i liten/ingen grad motverke verknader av covid-19 utbrotet. Det vert ikkje vurdert som aktuelt å vektlegge pkt. 3 då det ikkje spelar inn på øvrige forhold (pkt. 1 og 2). Rådmannen rør til at det ikkje vert gjeve stønad til Mo sokn.

Mobryggen drift AS:

Mobryggen drift AS vert vurdert å vere ei ordinær bedrift som vert drifta etter forretningsmessige prinsipp. Verksemda starta opp i 2018 (05.12.18). I tillegg opererer verksemda i ein konkurransesituasjon.

Tiltaket vil i stor grad bidra til å sikre arbeidsplassar og tilbod om tenester til innbyggjarar og tilreisande. Verksemda opererer innan reiselivsbransjen kor ho har blitt hardt råka av koronapandemien. Ved å kunne halde open drifta vil verksemda kunne oppretthalde og auke aktiviteten, samt sikre drift godt inn i 2021. I tillegg vil det bidra til å delvis oppretthalde sysselsetjinga. Mobryggen drift er ei viktig verksemd for Modalen sine innbyggjarar, og det vil ha betydelege konsekvensar dersom verksemda ikkje klarer seg gjennom pandemien. Tilbodet verksemda tilbyr skapar tilleggsverdiar for andre verksemder og innbyggjarar som nyttar seg av overnatting, catering eller restauranttilbodet.

Tiltaket vil i stor grad motverke dei negative følgjene av koronapandemien. Særleg knytt til å sikre arbeidsplassar og å motverke at verksemda må avslutte. Tiltaket vil bidra til å erstatte fråfall av inntekter verksemda ville hatt under normale omstende.

Tiltaket vil få umiddelbar effekt.

Samla kaptialbehov vert vurdert å vere kr. 325 000,- (faste utgifter for perioden jan – mai 2021) dersom alle tilsette vert haldne permitert. I tillegg kjem lønskostnadar dersom tilsette kjem i ordinært arbeid igjen. Då kjem i tillegg moglege inntekter, men desse er særst usikre. Eigeninnsats i perioden 2019 – 2021 er rekna til å vere kr. 800 000,-. Fordelt på 3 år reknar me kr. 266 000,- pr. år – kr. 532 000,- for 2020 – 2021.

Rådmannen rår til at det vere løyvd kr. 337 243,- i tilskot til Mobryggen drift AS.

Modalen pensjonat:

Mobryggen pensjonat vert vurdert å vere ei ordinær bedrift som vert drifta etter forretningsmessige prinsipp. Verksemda opererer i ein konkurransemarknad. Verksemda er relativt nystarta og er i ei etableringsfase.

Tiltaket vil i stor grad bidra til å sikre/etablere arbeidsplassar og tilbod om tenester til innbyggjarar og tilreisande. Verksemda opererer innan reiselivsbransjen – ein bransje som har blitt hardt råka av koronapandemien. Ved å kunne halde open drifta vil verksemda kunne oppretthalde og auke aktiviteten. Tilbodet verksemda tilbyr skapar tilleggsverdiar for andre verksemder og innbyggjarar

som kan nytte seg av overnattingstilbudet. Tiltaket vil kunne bidra til å motverke dei negative følgjene av koronapandemien. Tiltaket vil bidra til å erstatte fråfall av inntekter verksemda ville hatt under normale omstende. Tiltaket vil få umiddelbar effekt. Det er ikkje gjort greie for sum fråfall av inntekter, ei heller eit samla kostnadsbilete utover søknadssummen. Modalen kommune legg til grunn at det er ein sannsynleg samanheng mellom etterspurnad etter overnatting og koronapandemien. Rådmannen rår til at det vere løyvd kr. 20 000,- i tilskot til Modalen pensjonat.

Nese Media:

Nese media vert vurdert å vere ei ordinær bedrift som vert drifta etter forretningsmessige prinsipp. Verksemda opererer i ein konkurransemarknad. Verksemda er relativt nystarta og er i ei etableringsfase.

Tiltaket fremjer aktivitet, sysselsetjing og verdiskaping. Verksemda og prosjektet er aktuelt for å styrkje sysselsetjing lokalt og å utvikle verksemda vidare. Potensialet er til stades. Det er ei avgrensa inntekstssida i prosjektet utover eigenreklame. Såleis kan ein vurdere prosjektet som ei investering. Prosjektet er allereie gjennomført. Tiltaket er i liten grad knytt til å motverke verknader av covid-19-utbrotet, men ber preg av å vere ei ordinær investering/aktivitet. Tiltaket er allereie gjennomført. Søkjar synleggjer at om lag 25 % av kostnadane vert dekkja ved hjelp av eigne midlar/innsats, medan resten vert søkt finansiert av næringsfondet.

Rådmannen rår til at det ikkje vert løyvd tilskot til tiltaket. Hovudsakleg fordi prosjektet allereie er gjennomført. Næringsfondet bør i hovudsak støtte/finansiere tiltak kor det er forhold relatert til covid-19-utbrotet som talar for at verksemdar treng slik stønad. Prosjektet til Nese media er eit godt prosjekt for verksemda si utvikling. Rådmannen oppfattar at tiltaket allereie er gjennomført og finansiert. Næringsfondsstyret har ein praksis kor ein ikkje gjev tilskot med tilbakeverkande kraft på allereie gjennomførte tiltak.

Modalen kommune:

Rådmannen rår til at Modalen kommune trekk sin søknad og heller fremjar denne for det ordinære næringsfondet. Modalen kommune trekk søknaden sin for å unngå negativ innverknad på øvrige søkjarar som er i kritisk situasjon. Korornatilskot bør komme dei verksemdene som er spesielt utsatt til gode.

Konklusjon

Rådmannen sin konklusjon er å fremje råd om at det vert løyvd følgande i tilskot:

Mobryggen drift AS kr. 337 243,-
Modalen pensjonat kr. 20 000,-

Formannskapet - 004/2021

FOR - behandling:

Rådmannen orienterte kort om søknadane og tildelingskriteriene som søknadane skulle vurderast etter.

Samrøystes vedteke

FOR - vedtak:

I samband med at Modalen kommune har motteke kr. 357 243,- frå Vestland fylkeskommune gjeldande krisepakke fase 3 frå Kommunal- og moderniseringsdepartementet, gjer næringsfondsstyret følgande tilskotsløyvingar:

1. Mobryggen drift AS kr. 337 243,-
2. Modalen pensjonat kr. 20 000,-

Vilkår:

Mottakrarar av stønad må på førespurnad frå Modalen kommune dokumentere at midlane er nytta i tråd med dei vilkår som vert gjevne i tilsegnsbrev.

Vedlegg:

Søknadar koronamidlar inkl. vedlegg og vurderingar

Sakspapir

Saksbehandler	Arkiv	ArkivsakID
Tone Selmer Skuggevik	FE-025, FA-K11	20/234

Saksnr	Utvalg	Type	Dato
005/2021	Formannskapet	PS	02.02.2021
	Kommunestyret	PS	

Dagsturhytte - plassering

Forslag til vedtak:

Saka vert lagt fram for politisk handsaming utan tilråding om plassering frå rådmannen, då alle dei innkomne forslaga er eigna område for plassering av Dagsturhytta.

Formannskapet tilrår plassering av dagsturhytta ved Steinavatnet på Nygard

Saksopplysningar:

Bakgrunn

Dagsturhytter i heile Vestland

Kommunane i heile Vestland fekk hausten 2019 invitasjon til å søkje om tilskot til Dagsturhytte frå fylkeskommunen. Dette er ei vidareføring av suksessen i tidlegare Sogn og Fjordane, der alle dei 26 kommunane i tidsrommet 2017 – 2019 har fått ei slik hytte.

Dagsturhyttene er meint:

- som eit lågterskeltilbod for å få fleire, og nye målgrupper ut på tur, og oftare på tur.
- Som ein sosial møteplass i naturen
- å vera ein attraksjon i seg sjølv
- som ein stad for fellesskap og identitetsbygging

Det er ynskjeleg å knytte kulturminne til dagsturhyttene der det ligg til rette for dette.
Nokre av hyttene i Vestland bør vere universelt utforma.

Fakta

Modalen kommunestyre gjorde i møte 24.09.2020. sak 040/2020 vedtak om å ta imot tilbodet om dagsturhytte i vår kommune. Det vart løyvd kommunal del av spleiselaget som må til for fullfinansiering.

Prosjektet er eit spleiselag mellom Vestland fylkeskommune, Sparebankstiftinga Sogn og Fjordane og kommunen og har ei kostnadsramme på kr 1 283 000 inkl. mva

Finansieringsoversyn

Hytte	1 000 000
Tilkomst	283 000
Totalt Dagsturhytta	1 283 000

Dekka slik

Tilskot Vestland fylkeskommune	200 000
Tilskot Sparebankstiftinga	
Sogn og Fjordane	100 000
Spelemiddlar 1/3 av brutta	333 000
Modalen kommune	400 000
Mva-kompensasjon	200 000
Folkegåva BKK	50 000
	1 283 000

Budsjettjustering:

	Budsjett i dag	Justering	Justert budsjett
Utgift	500 000	783 000	1 283 000
Mva kompensasjon	100 000	100 000	200 000
Tilskot spelemidler	0	683 000	683 000

Overordna styring av prosjektet skjer gjennom Vestland fylkeskommune.

Prosess

1. **Informasjonsmøte om etablering av Dagsturhytte i kommunane i Vestland fylkeskommune** 22.01.20 på Hotel Terminus, Bergen.
Frå Modalen kommune deltok teknisk sjef Tone Selmer Skuggevik.
2. **Arbeid mot realisering – innspel frå innbyggjarane, lag og organisasjonar.**

I arbeid mot realisering av hytta oppmoda fylkeskommunen kommunane om å etablere gode prosessar og brei medverknad. Kommunen utfordra difor innbyggjarane, lag og organisasjonar i kommunen til å kome med innspel. Første frist for innspel om plassering av dagsturhytta var 15.11.2020. Innlegget vart publisert på heimesida til Modalen kommune 05.10.2020.

Innlegget vart publisert to gonger på facebook, 05.10.2020 og 30.10.2020. Det var berre eit innspel som kom inn innan fyrste frist. Grunna kun eit innspel, ynskja kommunestyret ei ny høyringsrunde. Andre frist for innspel på plassering av dagsturhytta var 05.01.21. Innlegget vart publisert på heimesida til Modalen kommune 14.12.20. Innlegget vart publisert på facebook 14.12.2020. Det var komen inn fem nye innspel innan andre frist. I alt kom det inn 6 innspel frå innbyggjarane, lag og organisasjonar i Modalen kommune.

I høyringa var det mellom anna med spørsmål om

- Kvar de meiner hytta bør plasserast
- Kva kan de bidra med på vegen mot realisering, og drift (rydding av tomt, stiar, merking/skilting etc).

Alle dei innkomne innspela har gode framlegg til plassering, og samla sett god geografisk spreing. Innspela er noko ulike i omfang, alt i frå eit namn på ein stad til ei enkel grunngjeving.

«For å sikre effektiv framdrift er det blant anna viktig at aktuelle grunneigarar er positive til å få ei slik hytte på sin eigedom, og det er ein føremon at dette er lufta med grunneigarar før de kjem

framlegg til plassering .»

Ordførar kontakta og starta ein dialog med grunneigarane den 19.01.2021. Framlegg til plassering av Dagsturhytte på Nedstadvatnet, Åsen og Steinavatnet. Grunneigarane var positive til prosjektet. Administrasjonen gjekk på bakgrunn av dette vidare med innspela som kom inn:

NR	Forslagsstillar	Plassering
1	Tormod Surland Våge	Nedstavatnet
2	Atle Helland	Plassere hytta slik at alle kan nytta den. Både gamle og unge.
3	Karianne Neset Nygard	Nedstavatnet /Åsen
4	Solrenningslista v/Ann-Jorunn Farestveit	Steinavatnet
5	Eldrerådet og pensjonistlaget v/ Anne-Britt Almelid	Steinavatnet
6	Gro Henny Mo	Nedstavatnet, Åsen, Steinavatnet

Synfaring:

Synfaring vart gjennomført sommaren 2020 av teknisk sjef Tone Selmer Skuggevik(sakshandsamar og ansvar for byggeprosessen).

Synfaring på område som vert vedteke vil verta gjennomført våren 2021. Det vil då verta sett saman ei synfaringssgruppe (grunneigar vert spurd om å delta, styringsgruppe og administrasjonen). Å verta kjend med landskapet og ikkje minst sjå området der hytta er foreslått plassert er svært nyttig. Det gir mange avklaringar og stadfestingar i høve forslag på plassering, og opp mot målsetjingane for ei dagsturhytte. I etterkant av synfaringa vil det verta skrive rapport. (sakshandsamar) Endeleg plassering i valgt område vil då finne stad.

Framdrift i prosjektet:

Stad Kystbygg vann anbodskonkurransen om bygging av 35 dagsturhytter i Vestland, i hard konkurranse med Reknes Bygg. Hyttene vil bli bygd som modular i produksjonshallen i Leikanger før dei vert frakta med båt(tre hytter i kvar båtlast) og helikopter til stadane der hyttene skal stå. Stad Kystbygg står for heile denne prosessen, i tillegg til fundamentering av utgraven tomt og oppsetjing av hytta.

Modalen kommune får hytta mai – juni 2021. Før hytta kjem må mellom anna tomt vere avgreven og klar til fundamentering. Andre ting som må vera på plass då: grunneigaravtale, driftsavtale, byggjeløyve, eventuelt dispensasjon, signert kontrakt mellom leverandør og kommune, spelemiddelsøknad, GPS-merking og skilting.

Tomte tilrettelegging:

Rojo arkitekter frå Trondheim har teikna dagsturhyttene. Det er sett krav om grense på maks 0,3m høgdeskilnad på tomt. Dette vil gjere hytta meir funksjonell samstundes som dei estetiske kvalitetane vert ivaretekne. Det vil i enkelte tilfelle vere mogeleg å fråvika krav om 0,3m høgdeskilnad. Alle kommunane i Vestland får tilbod om å få vurdert tomtane av Rojo Arkitekter. Modalen seier ja til eit slikt tilbod.

Hytta sitt «fotavtrykk»

Dagsturhytta har trass eit innvendig areal på berre 15m² og hyttemål på 6,7m x 7,6m eit stort fotavtrykk. Rundt hytta er det platning slik at heile bygningen har behov for ca 10 x10m flatt areal. I tillegg er det også tilrådd flatt areal nokre meter utanfor platningen på alle sider.

Innventar

Innvendig areal er utvida med 1,5m² slik at det er plass til vedovn som no er blitt standard innbu i hyttene. Hytta vert også levert med solcellepanel. Det er og opsjon på biotoalett. Her vert det tilbydd:

Toalett universell kr. 135 500 + mva

Toalett standard kr. 126 000 + mva

Fylkeskommunen tilrår toalett ved hytta, og har gitt tilbod til kommunane om dette. Kostnaden ved eit toalett er ikkje lagt inn i budsjett for hytta. Toalett er spelemiddelberettiga med 1/3 av kostnad og kan leggjast inn i spelemiddelsøknaden for hytta. Det resterande må finansierast av kommunen. Denne kostnaden vil sannsynlegvis bli dekkja innanfor dei 500 000 kr som er avsett i investeringsbudsjettet for 2021.

Vurdering

I prosjektet inngår desse føringane:


- Prosjektet må planforankrast i kvar kommune for å søkje spelemidlar.
- Sanitæranlegg vert tilrådd knytt til dei hyttene der ein i samråd med kommunen ser det vil bli eit behov.
- Det er ynskjeleg med eit bibliotek i hyttene og ein plan for ulike arrangement.
- Opparbeiding av turløyper til hyttene, og merking og gradering av desse må vere ein del av lokal prosjektplan.
- Det er ynskjeleg å knytte kulturminne til dagsturhyttene der det ligg til rette for dette.
- Det er ynskjeleg med brei medverknad i høve prosessane kring plassering, opparbeiding og drift. Nokre av hyttene bør vere universelt utforma. Plaketter med logo skal vere i følgje mal utarbeidd av fylkeskommunen; vere smakfulle i storleik og ha med namn på kommunen, i tillegg til dei som er med å finansiere og ev. andre aktørar som medverkar til oppføringa.
- Hytta bør plasserast sentrumsnært, nær skule el. I og med mogleg tilkomst via kollektivtilbod. Det bør vere maks 15 min. køyring frå sentrum.



Kart som syner dei tre forslaga, Nedstvatnet, Åsen og Steinavatn (raud sirkel på kartet)

Dei tre forslaga som er kome inn etter høyringsrunden har ulike kvalitetar:

Nedstavatnet:



Utsiktstur opp frå Mo – bratt og vakkert. Dette er ein særegen stad med panoramautsikt over Mofjorden, og vil vere eit attraktivt mål for dagsturar, både for innbyggjarane og tilreisande turistar. Det er gode solforhold og nærleik til vatn i område. Hyttetomta er ikkje svært krevjande å tilretteleggje. Ein treng helikoptertransport for å få på plass naudsynt utstyr til klargjering av tomt. Staden er allereie ein svært nytta turpoststad. Staden ligg med gåavstand ca. 40 min frå Mo. Eksisterande parkeringsareal på Mo kan nyttast. Skulen ligg på Mo og dagsturhytta vil kunna brukast i undervisningssamanheng. Ein må vurdere om det må gjerast eventuelle sikringstiltak. Stien opp til Nedstavatnet er ein eldre ferdsleveg for gardane på Mo. I dag er det ein mykje brukt tursti som tek deg til toppen av Kvernhusfossen med flott utsikt utover Mofjorden, eller vidare inn til turlagshytta

Skavlabu. I august kvart år har Modalen Idrettslag arrangert motbakkeløp opp denne kleiva, og dei raskaste tek seg opp på under 10 minuttar. Stien startar bratt opp gjennom gran-/blandingsskogen og har eit mindre bratt parti midtvegs før du møter ei kneik det siste stykket før du er oppe. Staden er ikkje tilrettelagt for alle og har begrensa bruk om vinteren.

Åsen:



Dette er ein stad med flott utsikt til Mo og Mofjorden, og som med nokre grep på turtraseen vil vere eit attraktivt mål for dagsturar. Området har gode solforhold. Ein må vurdere om det må gjerast eventuelle sikringstiltak. Staden ligg med gåavstand frå Mo sentrum. Eksisterande parkeringsareal på Mo kan nyttast. Ei dagsturhytte plassert på Åsen vil truleg kunne brukast som dagstur for barnehagen og Mo skule. Turen går frå Mo og innover ein gamal veg på venstre side av elva, og vidare langs åsen til eit nydelig utsiktspunkt over Mofjorden. Åsen ligg lågere og er ikkje så krevjande som Nedstavatnet. Staden er ikkje tilrettelagt for alle og har begrensa bruk om vinteren. Ein treng helikoptertransport for å få på plass naudsynt utstyr til klargjering av tomt.

Steinavatnet:



Flat tur for «alle» - både til fots og på ski. Steinavatnet som ligg på Nygard har fleire flotte turmål, og området er mykje brukt som turområde i Modalen både om sommaren og om vinteren. På vinteren frys som regel vatna her oppe, og det er populært å ta turen inn til Nystølen med born, innover Kvanndalen eller vidare til Nåmdalsfjellet og Storfjellet. Ruta inn til Nystølen, som ligg i enden av Steinavatnet, går på godt tråkka sti. Den startar ved P-plass ved Steinavatnet. Løypa går langs austsida av Steinavatnet til Nystølen og vidare nordover til bru over elva. Ruta går frå brua og skrått ned att til vatnet, og stien følgjer nær vasskanten attende til startpunktet. Det er flotte solforhold i område. Frå parkeringsplassen ved Steinavatnet kan ein tilrettjelegge ein fin tur til dagsturhytta på ca 30 minuttar. Barnehagen, skulen, unge og eldre vil kunne nytta seg av denne turen året rundt. Eit flott lågterskeltilbod for å få fleire, og nye målgrupper ut på tur og oftare på tur. Frå Mo sentrum til Steinavatnet er det ein køyretur på ca. 30 minuttar. Parkering kan verta ein utfordring. Tilrettjelegging av ny parkering må vurderast. Ein treng helikoptertransport for å få på plass naudsynt

utstyr til klargjering av tomt.

Konklusjon

Modalen kommune ynskjer at Dagsturhytta blir ein del av folkesjela, at ein legg turen dit på dagsturer, trening og rekreasjon, at hytta brukast i undervisningsamanheng i skule og barnehage, sosialt felleskap og gode friluftsopplevingar også på tvers av generasjonar. Dagsturhytta vil verte eit lågterskeltilbod for å få fleire, og nye målgrupper ut på tur, og oftare på tur. Alle tre forslaga om plassering har kvalitetar som gjer at dei er eigna til plassering av Dagsturhytta, og at det difor vert ei politisk prioritering kvar hytta skal plasserast.

Formannskapet - 005/2021

FOR - behandling:

Håvard Engeseth stilte spørsmål om han var ugild i handsaminga av denne saka. Han er ein av grunneigarane i Åsen, men eig ikkje den aktuelle lokaliteten som ligg i alternativa til plassering. Formannskapet avgjorde at han ikkje er ugild i saka.

Kristin Nåmdal stilte spørsmål om ho var ugild i handsaminga av denne saka. Ho har ein onkel som er ein av grunneigarane i framlegga til plassering. Formannskapet avgjorde at ho ikkje var ugild i saka. Tekisk sjef Tone Selmer Skuggevik orienterte om saka og svara på spørsmål.

Etter debatten vart det klart at formannskapet var einige i tilråding om plassering av dagsturhytta. Ordførar låg fram alternativt framlegg til vedtak til votering. Samrøystes vedteke

FOR - vedtak:

Formannskapet tilrår plassering av dagsturhytta ved Steinavatnet på Nygard

Vedlegg:

Vedlegg 1 Invitasjon til å søkje om midlar til dagsturhytter i kommunane i Hordaland

Vedlegg 2 Høyring - plassering av dagsturhytta

Vedlegg 3 Alle innkomne framlegg til plassering av dagsturhytte.

Vedlegg 4 Konseptskisse og dømme på plassering på tomt

Vedlegg 5 Tilsyn- og driftsavtale av dagsturhytta

